



Eurèur ngeni aramas mei imwunò ika nomwonong neimw fan nùrùn ewe annuk a fèer seni an Kofenor offes fan asengsin ei semau mei watte osukosukan ren COVID-19 (Koronafaires)

Non Maas 6, 2020, a apèchèkkùn omw kopwe eimwuukonò ika nomwonong neimw non ùkùkùn 14 rààn fansoun omw wareiti ei fènù Hawaii.

Ifa usun omw kopwe eimwuukonò

Nòmwonong neimw ika non ekkewe neni a kefinita pwe nenien wasèna ar repwe imwunò an epwe eppetì napenòn COVID-19 (KORONAFIRES) ngeni aramas.

Ren ei wewe:

- Kosapw nò ngeni ekkewe neni ren omw nenien angang, nenien sukkun, nenien tùmùnùn semirit, non sitowa, ika nenien kukunou
- Tingorei emon aramas epwe wisan uwouto anomw mongo me ekkòdòch mettòdòch mei auchea ngeni pen asamwomw ika fen order an chon angang repwe watto
- Kosapw mwuut ngeni aramas repwe etto àmwook ika tonong non iimwomw me nùkùn ekkewe ra fen nònòmw remw
- Kosapw nò ngeni ika nònòmw non ekkei neni ren ekkewe pools (nenien tùken), spas (nenien rawa, asèsè, taiso me ekkòdòch), gyms (nenien urumwoot ika nenien taiso), non kafie, ika non paar
- Ika pwe mei wor omw pòd mei kafèuu seni iimwomw ewe, iwe ese fokkun wor ngawan omw kopwe nomw wòn me nùkkùn iimwomw ewe fanitan ew neni esapw

Chòn nònòmw remw non iimwomw

Ika pwe en mi pèchèkkùn, iwe chòdòchòn non iimwomw ewe resan imwunò ika nonmonong non iimw me nùkkùn chok ika pwe repwe tori Hawaii mwirin Maas 26. Nge ika pwe a toruk ekkewe esisinen semau ren COVID-19, iwe meinisin en mei nòm wòm rer repwene nomwonong non iimw.

Nengeni fichi ekkewe esisinen semwen mei toruk

Fansoun omw nomwonong non iimw, nengeni fichi ekkewe esisinen semau mi toruk ren pwichikar, mwoor, ika weiresin ngasangas.

Met upwe fèri ika pwe a tori ei samwau?

Kèkèri noumw ewe tokter ren apachawan pekkin kensa ika pwe epwe toruk ekkewe esisinen samau me mwirin ewe 14 ka tori Hawaii. Ika pwe a chou ngonuk omw osukosukan samwau, kèkèri 911 me urenir inet fansoun omw saaii.

Akkòta fansoun omw nomwong neimw

Ekkòdòch sokkun anapanap ka tongeni fori fansoun omw nomwonong neimw:

- Kèkèri chiechiomw me chochon non famini won foon, videochat, ika fen pwan ekkòdòch
- Tùmùnù eochu met en mi soufori iteitan rààn ren mongo me pekkin taiso
- Ika pwe epwe tufich tingor omw kopwe angang non iimw fansoun omw nomwong neimw
- Pwan tingorei chòn an noumw sukkun repwe awora pisekin an semwerit pekin kaeo fasnoun nomwong neimw
- Nupwen an fisi nogruk sokkukun non ekiek, ka tongeni kèkèri ewe Crisis Line of Hawaii, nampan 1-800-753-6879
- Ika pwe mei wor omw kapaseis anongonong won ei fansoun nomwong non iimw ika COVID-19, kèkèri 211 ika tètà online hawaiiicovid19.com

Fansoun niwin sefan ngeni ach eterenges

Aramas mei awesi ewe 14 rààn ar repwe nomwong neimw nge esapw torir ekkewe asisinen samau ra tongeni niwiniti met ir mei sou fori iteitan rààn. Ekkewe aramas ir mi sainong me nukkun ir ra pwan tongeni niwiniti iimwer ika pwe a wes ewe 14 rààn imwunò.

(Chuukese)